

UNIVERZITET U TUZLI

Na osnovu člana 75. stav (1) tačka 12) Statuta Univerziteta u Tuzli i Odluke Senata Univerziteta broj: 03-4590-17.2/10 od 27.06.2011. godine,

r a s p i s u j e

K O N K U R S

za prijem redovnih studenata u studentske domove Studentskog centra Univerziteta u Tuzli u akademskoj 2011/2012. godini

I

U akademskoj 2011/2012. godini u studentske domove Studentskog centra Univerziteta u Tuzli (u daljem tekstu Studentski centar) bit će primljeno 553 studenata Akademije / fakulteta Univerziteta u Tuzli, na smještaj i ishranu, od čega 539 studenata državljana BiH i 14 studenata stranih državljana.

II

Pravo smještaja u studentske domove Studentskog centra imaju redovni studenti Akademije / fakulteta Univerziteta u Tuzli koji ispunjavaju slijedeće uslove:

- da su u akademskoj 2011/2012. godini prvi put upisali prvu, odnosno narednu godinu studija,
- da je mjesto prebivališta, odnosno boravišta udaljeno od Tuzle više od 30 km,
- da imaju opštu zdravstvenu sposobnost.

Student kojem je u tekućoj školskoj godini izrečena disciplinska mjera isključenja sa fakulteta ili isključenja iz studentskog doma ne može biti primljen u studentski dom u narednoj školskoj godini.

Studenti koji do dana objavljivanja konkursa nisu izvršili svoje finansijske ili ugovorene obaveze prema Studentskom centru ne može biti primljen u studentski dom.

Ukoliko se smještajni kapaciteti u studentskim domovima ne popune redovnim studentima koji prvi put upisuju prvu, odnosno narednu godinu studija, pravo na prijem u studentske domove imaju redovni studenti koji obnavljaju godinu, po punoj ekonomskoj cijeni.

III

Uz prijavu na konkurs potrebno je da kandidat dostavi slijedeću dokumentaciju:

1. Uvjerenje da je redovan student koji prvi put upisuje prvu, odnosno narednu godinu studija;
2. Uvjerenje o prosječnoj ocjeni ostvarenoj u prethodnoj godini studija, odnosno u srednjoj školi, ili kopija indeksa sa ocjenama prethodne godine studija;
3. Kopiju lične karte, a studenti strani državljanici dostavljaju ovjerenu kopiju pasoša;
4. Kopiju prijave o prebivalištu odnosno boravištu (CIPS-ov dokument)
5. Uvjerenje o zajedničkom domaćinstvu - kućna lista;
6. Potvrdu o prosječnoj plaći za svakog zaposlenog člana užeg porodičnog domaćinstva ostvarenoj u posljednja tri mjeseca, odnosno ovjerenu fotokopiju tri posljednja čeka od penzije za svakog člana užeg porodičnog domaćinstva koji primaju penziju;
7. Uvjerenje o katastarskom prihodu svakog člana užeg porodičnog domaćinstva iz prethodne godine;

8. Uvjerenje za članove užeg porodičnog domaćinstva koji se nalaze na evidenciji Zavoda za zapošljavanje;
9. Potvrda da je student iz porodice koja je korisnik socijalne pomoći i visini te pomoći;
10. Uvjerenje da je student izbjeglo i raseljeno lice;
11. Uvjerenje da je student iz porodice šehida ili poginulog borca;
12. Uvjerenje da je student RVI ili član porodice ratnog vojnog invalida sa procentom invalidnosti;
13. Uvjerenje da je student invalid ili član iz porodice invalida sa procentom invalidnosti;
14. Uvjerenje o učešću u oružanim snagama BiH studenta ili člana užeg porodičnog domaćinstva;
15. Izvod iz matične knjige umrlih za slučaj da je student bez oba roditelja.

IV

Rangiranje kandidata obaviti će Komisija za prijem studenata u studentske domove na osnovu utvrđenih kriterija i zbrajanja ukupnog broja bodova dobivenih iz dostavljenih dokumenata koji se traže ovim konkursom.

Rang-liste će biti objavljene na oglasnim pločama studentskih domova (internet stranici Univerziteta u Tuzli: www.untz.ba), u skladu sa planom i dinamikom realizacije konkursa.

V

Komisija za prijem studenata u studentske domove će naknadno, a nakon prispjeha i obrade svih aplikacija, odrediti kriterije globalne raspodjele smještajnih kapaciteta, način, uslove i dinamiku useljavanja.

VI

Studenti koji zadovolje uslove kriterija i ostvare pravo na smještaj u studentske domove obavezni su koristiti usluge doma počev od 15.09. tekuće godine do 15.07. naredne godine, odnosno dužni su u cjelosti izmiriti svoje obaveze za naznačeni period.

Međusobni odnosi između Studentskog centra Univerziteta u Tuzli kao davaoca usluga i studenata kao korisnika usluga i kantonalnih i Federalnog ministarstva obrazovanja kao učesnika u sufinansiranju uredit će se posebnim ugovorom kojim će se jasno utvrditi prava i obaveze ugovornih strana za period naznačen u prethodnom stavu.

Studenti korisnici usluga koji ispunjavaju kriterije, a dolaze iz kantona sa kojima Studentski centar Tuzla nema potpisan ugovor iz prethodne alineje, dužni su prilikom zaduženja dostaviti pojedinačnu potvrdu svog kantona da se prihvata subvencioniranje ishrane i smještaja za tekuću akademsku godinu.

VII

Prilikom zaduživanja u studentski dom novoupisani studenti – bruceši dužni su dostaviti potvrdu o upisu na fakultet.

Studenti starijih godina fakulteta ukoliko do završetka ispitnih rokova tekuće školske godine ne prilože uvjerenje o upisu na fakultet za narednu školsku godinu gube pravo na smještaj u domove.

Uz ispunjenje uvjeta iz stava II i III konkursa, prioritet kod smještaja u studentske domove, pod jednakim uvjetima rangiranja imaju studenti koji pripadaju kategoriji lica prema Zakonu o dopunskim pravima boraca – branitelja i članova njihovih porodica („Službene novine Tuzlanskog kantona“, broj 3/07, 4/08,9/08,13/09 i 8/10).

VIII

Prijave na konkurs sa potrebnom dokumentacijom podnose se u zatvorenoj koverti Studentskom centru u roku od 15 dana od dana njegovog objavljivanja.

IX

Neblagovremene i nepotpune prijave neće se razmatrati.

X

Prijave na konkurs mogu se dostaviti lično ili putem pošte na adresu:

**UNIVERZITET U TUZLI
STUDENSKI CENTAR TUZLA
Ul. Muhameda Hevajja Uskufija br.7
Tel/fax: 035/252-208 ili 035/275-534
75000 TUZLA**